

Vi ste ovdje: [Početna](#) ➤ [Vijesti](#) ➤ [Vijesti 122](#) ➤ Bilten za 24.07.2024. godine



▼

Menu

[HOME](#)[OGLASI](#)[KONKURSI](#)[JAVNE NABAVKE](#)[ZAVRŠENE JAVNE NABAVKE](#)[VIJESTI 122 I SAOPĆENJA](#)[AKTUELNO](#)[GRADANSTVO](#)[INFORMACIJE](#)[CYBER SIGURNOST](#)[LINKOVI](#)

Arhiva bilten

Jul 2024						
Po	Ut	Sr	Ce	Pe	Su	Ne
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31	1	2	3	4

Pregled vijesti 122



▼

Bilten za 24.07.2024. godine

🕒 Objavljeno četvrtak, 25 Juli 2024 08:35

👤 Klikova: 114

JAVNI RED I MIR

Na području Zeničko-dobojskog kantona javni red i mir je narušen u dvanaest slučajeva.

U navedenim događajima intervenisali su policijski službenici i protiv počinilaca preduzeli zakonom predviđene mjere i radnje.

KRIMINALITET

Zenica

Dana 24.07.2024. godine, u 13,05 sati, u ulici Kanal, od strane lica H.D. (2003.) iz Zenice, izvršeno je krivično djelo "Nedozvoljeno držanje oružja ili eksplozivnih materija". Prilikom pregleda na lokaciji Kanal od strane policijskih službenika Policijske stanice Centar kod lica je pronađeno vatreno oružje-poluautomatska puška. Lice H.D. je lišeno slobode i zadržano u prostorijama za zadržavanje uz upoznavanje dežurnog tužioca. Vatreno oružje je oduzeto uz izdavanje potvrde, nakon čega je nad osumnjičenim zavedena kriminalistička obrada.

Dana 24.07.2024. godine, u 00,05 sati, u mjestu Dolača, od strane lica K.R. (1984.) iz Zenice, izvršeno je krivično djelo "Posjedovanje i omogućavanje uživanja opojnih droga". Prilikom pregleda od strane policijskih službenika Policijske stanice Crkvice kod istog je pronađen upakovan sadržaj biljne materije koja aocira na opojnu drogu "Marihuanu" bruto težine 20,70 grama. Pronađena materija je oduzeta, a lice lišeno slobode i zadržano u prostorijama za zadržavanje.

Dana 24.07.2024. godine, u 21,00 sati, u ulici Goraždanska, od strane lica H.A. (1999.) iz Zenice, izvršeno je krivično djelo "Posjedovanje i omogućavanje uživanja opojnih droga". Prilikom pregleda od strane policijskih službenika Policijske stanice Crkvice kod istog je pronađen upakovan sadržaj biljne materije koja aocira na opojnu drogu "Marihuanu" bruto težine 5,90 grama. Pronađena materija je oduzeta, a lice lišeno slobode i zadržano u prostorijama za zadržavanje.

U vremenskom periodu od 21.07. do 24.07.2024. godine u mjestu Koprivna-Nemila, od strane nepoznatog lica izvršeno je krivično djelo "Krađa" bicikla, vlasništvo T.Z. (1956.) iz Zenice. Navedena prijava je evidentirana, a daljnji rad na otkrivanju počinioca ovog krivičnog djela nastavili su policijski službenici Policijske stanice Nemila.

Visoko

Dana 24.07.2024. godine, u vremenu od 19,15 do 20,20 sati, u ulici Alije Izetbegovića, od strane nepoznatog lica izvršeno je krivično djelo "Krađa" drona, marke "DJI RC3" sa pripadajućom opremom vlasništvo Agencije "Infitus" d.o.o. Kakanj. Navedena prijava je evidentirana, a daljnji rad na dokumentovanju krivičnog djela nastavili su istražitelji Policijske stanice Visoko uz upoznavanje dežurnog tužioca.

Breza

U toku noći 23/24.07.2024. godine, sa parking prostora Javne ustanove "Dom zdravlja Breza" u Brezi, od strane nepoznatog lica otuđeno je putničko motorno vozilo, marke "Škoda Fabia", registarskih oznaka M62-E-423, vlasništvo pomenute ustanove. Izvršen je uviđaj od strane istražitelja Policijske stanice Breza uz upoznavanje dežurnog tužioca.

Dana 24.07.2024. godine, u 04,10 sati, policijski službenici Policijske stanice Visoko, su u mjestu Topuzovo Polje, zaustavili i kontrolisali putničko motorno vozilo, marke "Škoda Fabia" registarskih oznaka M62-E-423 vlasništvo Javne ustanove "Dom zdravlja Breza", a kojim je upravljao A.H. (1981.) iz Visokog. Lice A.H. je lišeno slobode i zadržano zbog osnova sumnje da je počinio krivično djelo "Oduzimanje tuđe pokretnine", dok je uviđaj na licu mjesta izvršen od strane istražitelja Policijske stanice Visoko uz upoznavanje dežurnog tužioca. Istog dana lice A.H. je preuzeto iz Policijske stanice Visoko, te prevezeno u Policijsku stanicu Breza, nakon čega je nad istim zavedena kriminalistička obrade, dok je vozilo "Škoda Fabia" vraćeno odgovornoj osobi Javne ustanove "Dom zdravlja Breza" .

Dana 24.07.2024. godine u 19,40 sati, u mjestu Banjevac, od strane lica A.H. (1981.) iz Visokog, izvršeno je krivično djelo "Teška krađa" u pokušaju u kuću vlasništvo O.A. (1975.) iz Breze, koja je navedeno lice zatekla u kući. Policijski službenici Policijske stanice Breza su po zaprimljenoj prijavi odmah izašli na lice mjesta i A.H. lišili slobode, te je zadržan u službenim prostorijama. O događaju obaviješten dežurni tužilac.

BEZBJEDNOST SAOBRAĆAJA

Dana 24.07.2024. godine, u 06,10 sati, u ulici 311 Lahke brigade, općina Kakanj, dogodila se saobraćajna nezgoda u kojoj su učestvovali putničko motorno vozilo, marke "Saab", kojim je upravljao M.A. (2003.) iz Kaknja, koji je tom prilikom ostvario kontakt sa parkiranim vozilima, kombi "Mercedes Sprinter", vlasništvo I.V., "VW Golf", vlasništvo B.A. i "Mercedes", vlasništvo B.T., svi iz Kaknja. Prilikom saobraćajne nezgode saputnici iz putničkog motornog vozila "Saab", malodobne B.E. (2007.) i H.M. (2007.), obje iz Kaknja, zadobile su povrede, te su nakon ukazane ljekrske pomoći u Službi hitne medicinske pomoći Kakanj prevezene u Kantonalnu bolnicu Zenica gdje su naknadno za B.E. konstatovane teške tjelesne povrede, dok je H.M. zadobila lakše tjelesne povrede. Vozač M.A. je lišen slobode i zadržan u prostorijama za zadržavanje zbog vožnje u alkoholiziranom stanju, te osnova sumnje da je počinio krivično djelo "Teška krivična djela protiv sigurnosti javnog prometa". Izvršen je uviđaj od strane istražitelja Policijske stanice Kakanj uz upoznavanje dežurnog tužioca, dok je M.A. ispitan u svojstvu osumnjičenog.

Na području Zeničko-dobojskog kantona dogodilo se još osam saobraćajnih nezgoda u kojima su četiri lica zadobila lakše tjelesne povrede, dok je na vozilima prčinjena materijalna šteta.